

# 華盛頓新聞 嘗試集

## 第 91 期

本刊作品如有涉及時評者，乃作者個人意見，與華府詩友社立場無關。

編輯順序：原則上，本刊之編輯順序為詩（近體詩之七律、五律、七絕、五絕、古體詩）詞、曲、簡體詩詞（現代詩詞）

### 盛夏驟雨

陳新雄

盛暑炎蒸似火牛。烏雲旋罩樹梢頭。  
雷鳴電閃狂風勁，樹折籬摧急響遒。  
一片幙幙天盡黑，十分激濺雨難收。  
屋簷積水傾盆下，無電生涯若苦囚。

### 許世旭挽詞

陳新雄

來臺留學開風氣，從此華韓日日親。  
我耗光陰耽舊籍，君從經典識新津。  
初逢雙鬢同青草，別後鴻儒震北鄰。  
去歲恩師樽酒畢，豈堪今夕斷音塵。

### 遊紅木公園有感

張暢繁

紅木延生獨有方。爭陽蔽日顯專長。  
身高幹直非常樹，葉秀枝柔透異香。  
千載狂風搖未動，百年人事變難量。  
遭殃每是凡間火，劫後根苗再度揚。

註：Muir Redwood Park 在三藩市附近。杉樹色澤棕紅，高達 300 英尺，該園平均樹齡逾八百年。因樹皮含有單寧酸，故昆蟲稀少。同時因其種子小，易滲入泥土，大樹雖為火燒掉，小樹很快又從旁生出來。

### 兩美難全

張暢繁

借問歡愉幾度秋。金霞雖燦不長留。  
多年斬棘開前路，半世謀生混俗流。  
覓得幽篁時已晚，迎來仙鶴夢難酬。  
塵緣有限情無限，釋放凡心便自由。

### 山花

張暢繁

清雅嬌柔別眾芳。奇葩異卉傲山旁。  
芙蓉柳葉思眉態，黃菊梅枝憶暗香。

面壑不愁風露重，臨淵無懼雪霜狂。  
自強應變來相比，願與名花較短長。

### 詠菊·和張暢繁教授山花韻 季肇瑾

質樸黃花別眾芳。萋萋灼灼在籬旁。  
素華密葉呈常態，清菊疏枝帶暗香。  
白露凝霜秋色重，晚晴伴月冷風狂。  
悠然自好居寧靜，不與名葩較短長。

### 文革

王顏鑄

文革風颯浪映紅。綿綿白露有無中。  
絕齋驟痛心穿線，望眼啼開市轉蓬。  
路易斷腸人幾歎，民安累世役皆空。  
勸君莫笑漁陽鼓，驚破新城是沛公。

### 憶重逢

夏曙芳

四十年前離亂後，臺灣對岸訊茫茫。  
忽傳信件來中國，喜悉昆兄在北方。  
昔別年齡方弱冠，今逢髮鬢已斑蒼。  
時光一去難重覓，憾恨無窮淚滿行。

### 遷入洛杉磯逸仙雅居二首

林佩娟

一、物候東西異，遷來只薄寒。  
桂蘭依徑列，槐柳點庭歡。  
魚聚浮蓮動，泉噴瀉瀑湍。  
幽棲鄰鬧市，遣興暮雲殘。

二、燈影清漣曳，春星帶夜池。  
坐聽泉瀑響，仰盼月華知。  
人靜招香氣，窗虛隱粵枝。  
天涯萍梗倦，今賦鵲鴿詩。

註：逸仙雅居有六十六戶人家，佔地不大但幽雅寧靜。白蘭秋桂，流水淙淙，似鬧市一角世外之境。帶：籠罩環繞之意。

### 庚寅中秋獨坐

陳新雄

諸生來請度中秋。可惜氣神皆欲休。  
獨坐書房無可語，吟詩朗誦自啣憂。

### 立陶宛贊

許翼雲

邦弱鄰強狼虎吞，同仇敵愾待時伸。

全民奮鬥慶光復，修繕家園重作人。

### 歐盟贊

許翼雲

歐洲自古多征伐，弱肉強吞相競爭。  
厭戰弭兵除畛域，人民來往慶同盟。

### 社區晨步

夏曙芳

楓樹花叢綠草茵。晨光朝露伴行人。  
強身健腦雙贏事，休退生涯且自珍。

### 偷月（新韻）

高亦涵

花間把盞意朦朧，夢上重霄傾萬鍾。  
醉裏不知天去向，偷來明月印杯中。

### 阮郎歸·看海峽論壇贈翼雲兄

用山谷歌停檀板舞停鸞韻 陳新雄

神州海峽若風鸞。中華夢未圓。不同制度  
怎相干。曷成泥水團。尋好夢，夢難圓。  
看完肝膽寒。臺灣臺獨已跨鞍。夜闌心未闌。

### 阮郎歸·有懷夏傳老(注) 用山谷

盈盈嬌女似羅敷韻 陳新雄

詩經大道已光敷。先生吐火珠。清儒之後更  
爬梳。盤胸萬卷書。歌夏老，費工夫。  
扶危誰可如。他年互捋白髭鬚。同舟泛五湖。

注：夏傳才教授創立中國詩經學會，每兩年舉行國際學術研討會，韓國、日本、美國各國學者應邀參加者甚眾，而於臺灣學者特別垂青。今年九十，仍精神奕奕，率領會員由石家莊遠赴西安考察，至堪欽佩，因賦此詞贈之。

### 松梢月

周涓

萬籟無聲。悄然重露降，青草泠泠。濃濕  
涼透，徐步逕上台亭。忽見松梢銀光晃，  
桂影灑、皓月澄明。皎潔輝映，柔而雅，頓  
心曠神怡。恍如回故里，俯仰靈谷  
寺，拍塔層層。遠近松樹，梢翠縱闊連城。  
迭宕人生橫流急，暗亮處、品味陰晴。不禁  
懷舊，家鄉月，最知情。

### 離亭燕·寄語師大畢業五十週年聚會

周涓

半世紀風雲激，南北闖東西礪。桀傲性情終  
繞指，首益四年摧抑。反右創傷痕，靈水鑄  
澆新義。白髮蒼蒼相惜，歡聚校園無  
隙。離脫怨恩名利場，步入桃花源際。把  
酒問平安，隔海隔山遙憶。

### 浣溪沙·浮生若夢

李青瑾

一葦孤舟渡幾航。萬絲絮柳任飄揚。迷濛江  
靄暮蒼茫。夢幻如煙雲泡影，斷鴻聲  
鬱蘊無常。隙駒歲月怎思量。

### 桃源憶故人·秋夜聽雨

李青瑾

晚風疾滿天蘆絮，倦雁微燈沉度。渺邈雲鄉  
何處，漫歎芳華去。疏簾半捲松痕舞，  
遙夜悴誰相敘。惟有瀟瀟秋雨，切切寒蛩  
語。

### 陽春曲二首

王顏鑄

#### 一、春思

無情陣雨黃昏後，有恨梨花碧樹頭。暗香飄  
夢月如鉤。人已瘦，長夜冷於秋。

#### 二、孤雁

重雲倦翼千辰宿，片影失途幾落洲。雁零殘  
照咽離愁。春水舊，無語向東流。

### 簡體詩詞·月下感懷

高亦涵

少小觀月不知惜，誤疑瑤鏡掛天。  
院中嬉戲，嫦娥白兔，神話連篇。  
空見拂墻花影，丹桂幽香，詩情畫意人間。  
中歲玩月，湖畔山巔，  
金樽滿載清輝，拚卻紅上醉顏。  
畫堂攜手暗相期，此情歲歲年年。  
奈何崎路多風雨，一別成永慊，  
流光荏苒，忍負山盟誓言。  
老來憐月，幾回縹緲塵緣。  
名疆利鎖，離合悲歡，都如過眼雲煙。  
半窗幽夢，神飛故國樓邊，  
靜賞中庭皓魄，祝願  
人長久，花常好，月常圓。